

Fenomena El Nino: Gunakan air secara berhemah

KUALA LUMPUR 13 Jan. - Orang ramai dinasihatkan mengguna air secara berhemat sepanjang musim fenomena El Nino melanda negara ini kerana perubahan iklim itu memberi kesan kepada bekalan air yang boleh mengganggu kehidupan seharian mereka.

Eksekutif Penyelidikan dan Dasar Forum Air Malaysia, Debbie

Injan Andrew Jumat berkata, seseorang individu sebenarnya hanya memerlukan 50 liter air sehari untuk keperluan asas namun rakyat negara ini didapati menggunakan 210 liter sehari pada 2013.

"Disebabkan kadar caj air rendah di negara ini, maka tiada yang memandang serius terhadap pemuliharaan air. Ramai yang cenderung un-

tuk melakukan pembaziran atau tidak menggunakannya dengan cermat.

"Oleh itu, orang ramai dinasihatkan tidak membazir air. Kita mesti menghargai dan berusaha menjimatkan penggunaan dan bayaran bil air," katanya dalam satu kenyataan di sini hari ini.

Baru-baru ini, Ketua Pengarah Jabatan Meteorologi, Datuk Che

Gayah Ismail berkata, fenomena El Nino yang sedang melanda dunia termasuk Malaysia dijangka mencatatkan pemanasan suhu paling kuat bulan ini dan akan mulai reda bermula Februari ini.

Katanya, El Nino yang bermula bulan Julai tahun lalu itu dijangka pulih sepenuhnya dan menjadi normal pada Jun ini.